

Serie A N.º 1176711

SESIÓN ORDINARIA DO CONCELLO PLENO
30/XULLO/ 2003

ORDE DO DÍA

- 1.- APROBACIÓN ACTA SESIÓN ANTERIOR
- 2.- ACTIVIDADE DE CONTROL DO PLENO
- 3.- DAR CONTA DE RESOLUCIÓNS DA ALCALDÍA
- 4.- DAR CONTA DECRETOS DA ALCALDÍA SOBRE NOMEAMENTO MEMBROS COMISIÓN DE GOBERNO, TENENTES DE ALCALDE, CONCELEIROS/AS DELEGADOS/AS E COMPETENCIAS DELEGADAS.
- 5.- DAR CONTA EXPEDIENTES ADMINISTRATIVOS DE MODIFICACIÓN DE CRÉDITO.
- 6.- APROBACIÓN PROVISIONAL DE EXPEDIENTE DE MODIFICACIÓN DE CRÉDITO 17/03.
- 7.- APROBACIÓN PROVISIONAL DE EXPEDIENTE DE MODIFICACIÓN DE CRÉDITO 18/03.
- 8.- APROBACIÓN INICIAL DE MODIFICACIÓN PUNTUAL DAS NORMAS SUBSIDIARIAS PARA CREACIÓN DUNHA ÁREA RECREATIVA EN CEDEIRA.
- 9.- APROBACIÓN DE EXPEDIENTES DE CORRECCIÓN DE ERROS DAS NORMAS SUBSIDIARIAS DE PLANEAMENTO.
- 10.- PROPOSTA EN RELACIÓN Á LISTA DE ESPERA DA GARDERÍA "A MARISMA"

ROGOS E PREGUNTAS

ASUNTOS FORA DA ORDE DO DÍA

SOLICITUDE DA PLATAFORMA NUNCA MAIS DE REDONDELA.



SEL NUMERADO
CORPORACIÓN
LOCAIS

Na Casa do Concello de Redondela, sendo as vinte horas e trinta minutos do día **trinta de xullo do ano dous mil tres**, baixo a Presidencia do Sr. Alcalde : XAIME REI BARREIRO e a asistencia dos/as Sres/as Concelleiros/as: DON EDUARDO JOSÉ REGUERA OCAMPO, DON EMILIO GONZÁLEZ IGLESIAS, DONA LAURA LAGO ALLER, DONA MÓNICA CARREIRA COUÑAGO, DONA CARMEN RODRÍGUEZ CUNHA, DON CARLOS GONZÁLEZ FERNÁNDEZ, DON MANUEL IGLESIAS CARRERA, DONA FRANCISCA CANAL GÓMEZ, DON JUAN TIZÓN CABALEIRO, DON RODOLFO PATO GARCÍA, DON ANTÓN DIAZ MOURELLE, DONA M^a DEL CARMEN AMOEDO DASILVA, DON JAIME DARRIBA VILAS, DON XOSE CARLOS PAZOS DOCAMPO, DONA CECILIA PÉREZ ORGE, DONA PURIFICACIÓN SERRANO CAVIEDES, DON ALEJANDRO BASTOS FERNÁNDEZ, tamén asistiu o Sr. Interventor do Concello, D. Modesto Solla Sanz, actuando como Secretaria a Secretaria da Corporación D^a. Ana Isabel del Cerro del Río, constitúese o Pleno do Concello, en sesión ordinaria, conforme á convocatoria e de acordo coa a Orde do día.

Non asisten, excusando a súa ausencia, os/as Concelleiros/as D. Fermín Alfaya Paz, D^a Herminda Quelle Fernández, e D. Manuel Pérez Pardo.

A Presidencia declara aberta a sesión en primeira convocatoria, procedéndose a tratar os puntos da Orde do Día.

1.- APROBACIÓN ACTA SESIÓN ANTERIOR

Non se formulan observacións, e o Pleno do Concello, en votación ordinaria e por unanimidade dos seus membros presentes acorda prestar aprobación á acta da sesión celebrada o día 14 de xullo de 2003.

2.- ACTIVIDADE DE CONTROL DO PLENO

Non se formulou ningún tipo de intervención.

3.- DAR CONTA DE RESOLUCIÓN DA ALCALDÍA

O Concello Pleno dase por enterado do contido das Resolucións da Alcaldía dende o día 21 de maio de 2003 a 24 de xullo de 2003.

Sendo as vinte horas e trinta e cinco minutos incorpórase á sesión o concelleiro D^o Alejandro Bastos Fernández.

Serie A N.º 1176712

4.- DAR CONTA DECRETOS DA ALCALDÍA SOBRE NOMEAMENTO MEMBROS COMISIÓN DE GOBERNO, TENENTES DE ALCALDE, CONCELLEIROS/AS DELEGADOS/AS E COMPETENCIAS DELEGADAS.

O Concello Pleno, quedou enterado do contido das seguintes Resolucións:

RESOLUCIÓN DA ALCALDÍA POLA QUE SE MODIFICA A COMPOSICIÓN DA COMISIÓN DE GOBERNO

Constituída a Comisión de Goberno, por Resolución de 20 de xuño de 2003 e tendo en conta o acordo alcanzado co Bloque Nacionalista Galego e Esquerda Unida-Izquierda Unida para a súa participación no Goberno Municipal, esta Alcaldía, en exercicio das súas atribucións que lle confire o art. 23.1 da Lei 7/85 e de conformidade co establecido no art. 35 e 52 do Regulamento de Organización, Funcionamento e Réxime Xurídico das Entidades Locais,

RESOLVE:

PRIMEIRO.- Deixar sen efecto o punto primeiro da Resolución da Alcaldía de data 20 de xuño de 2003, pola que se nomeaba membros da Comisión de Goberno.

SEGUNDO.- Nomear membros da Comisión de Goberno Municipal a D. XOSE CARLOS PAZOS DOCAMPO, D. EDUARDO REGUERA OCAMPO, D. EMILIO GONZÁLEZ IGLESIAS, D^a. CECILIA PÉREZ ORGE, D. MANUEL PÉREZ PARDO, D^a. MÓNICA CARREIRA COUÑAGO, e D^a. M^a DEL CARMEN RODRÍGUEZ CUNHA.

TERCEIRO.- Notificar a presente resolución ós interesados, dar conta da mesma ó Pleno da Corporación e proceder a súa publicación no BOP, e no Taboleiro de anuncios do Concello sen prexuízo da súa plena validez e eficacia xurídicas a partir do día seguinte ó desta data.

RESOLUCIÓN DA ALCALDÍA POLA QUE SE MODIFICA O NOMEAMENTO DE TENENTES DE ALCALDES DO CONCELLO

Nomeados os Tenentes de Alcalde, por Resolución de 20 de xuño de 2003 e tendo en conta o acordo alcanzado co Bloque Nacionalista Galego e Esquerda Unida-Izquierda Unida para a súa participación no Goberno Municipal, esta Alcaldía, en exercicio das súas atribucións que lle confire o art. 23.3 da Lei 7/85 e de conformidade co establecido no art. 46 do Regulamento de Organización, Funcionamento e Réxime Xurídico das Entidades Locais,



RESOLVE:

PRIMEIRO.- Deixar sen efecto o punto primeiro da Resolución da Alcaldía de data 20 de xuño de 2003, pola que se nomeaban Tenentes de Alcalde.

SEGUNDO.- Nomear Tenentes de Alcalde do Concello ós Concelleiros membros da Comisión de Goberno que de seguido se relacionan:

Primeiro Tenente de Alcalde: D. XOSE CARLOS PAZOS DOCAMPO.

Segundo Tenente de Alcalde: D. EDUARDO REGUERA OCAMPO.

Terceiro Tenente de Alcalde: D. EMILIO GONZÁLEZ IGLESIAS,.

Cuarto Tenente de Alcalde: D^a. CECILIA PÉREZ ORGE.

Quinto Tenente de Alcalde: D. MANUEL PÉREZ PARDO.

Sexto Tenente de Alcalde: D^a. MÓNICA CARREIRA COUÑAGO

Sétimo Tenente de Alcalde: D^a. M^a DEL CARMEN RODRÍGUEZ CUNHA.

Os Tenentes de Alcalde correspóndelles substituír ó Alcalde na totalidade das súas funcións segundo a orde indicada, nos casos de ausencia, vacante ou enfermidade.

TERCEIRO.- Cando o Alcalde teña que se ausentar do Concello determinará mediante resolución a duración da ausencia e o Tenente de Alcalde que teña que asumir as súas competencias.

De non se conferir esta delegación de modo expreso, o Alcalde será substituído polo primeiro Tenente de Alcalde, e, no seu defecto, polos outros Tenentes de Alcalde segundo a orde do seu nomeamento.

CUARTO.- Notificar Comunicar esta resolución ós Tenentes de Alcalde, dar conta da mesma ó Pleno do Concello na próxima sesión que realice, e proceder a súa publicación no BOP e no Taboleiro de edictos do Concello sen prexuízo da súa plena validez e eficacia xurídicas a partir do día seguinte ó desta data.

DECRETO DA ALCALDÍA POLO QUE SE MODIFICA A RESOLUCIÓN DE NOMEAMENTO DE CONCELLEIROS DELEGADOS

Polo presente, en uso das atribucións que me confiren os artigos 12 a 16 da Lei 30/92, de 26 de novembro, 42 a 45, 114 a 118 do Regulamento de Organización, Funcionamento e Réxime Xurídico das Entidades Locais, e art. 21 e 23 da Lei 7/85 de 2 de abril, veño en dispoñer:

PRIMEIRO.- Deixar sen efecto o Decreto da Alcaldía de data 30 de xuño de 2003, polo que se nomeaban Concelleiros Delegados.

Serie A N.º 1176713

SEGUNDO.- Realizar a favor dos Tenentes de Alcalde, Membros da Comisión de Goberno que seguirán, as Delegacións Xenéricas de Área seguintes:

- D. XOSE CARLOS PAZOS DOCAMPO:

a).- Medio Ambiente, que incluíra os seguintes servizos: Limpeza Viária, Limpeza de Praias, Saneamento, Suministro de Auga, Fontes, Parques, Xardíns, Montes, Ribeiras Fluviais e Marítima, Cemiterios, Tratamento do Lixo e Axenda 21.

b).- Presidencia do Consello de Administración de "Radio Redondela".

Estas delegacións abarcarán tanto a facultade de dirixi-las áreas correspondentes como a de xestiona-las en xeral con facultades de resolver mediante actos administrativos que afecten a terceiros.

- D^a. CECILIA PÉREZ ORGE:

a).- Participación Cidadá.

Esta delegación abarcará tanto a facultade de dirixi-la área correspondente como a de xestiona-la en xeral con facultades de resolver mediante actos administrativos que afecten a terceiros.

b).- Educación

Esta delegación abarcará a facultade de dirixi-la área correspondente con facultades de resolver mediante actos administrativos que afecten a terceiros.

- D. MANUEL PÉREZ PARDO: Feiras e Mercados, Turismo, Transportes e Emprego

Estas delegacións abarcarán tanto a facultade de dirixi-las áreas correspondentes como a de xestiona-las en xeral con facultades de resolver mediante actos administrativos que afecten a terceiros.

Na resolucións dictadas deberá facerse constar a circunstancia da Delegación.

Indicar os Tenentes de Alcalde Delegados a obriga que teñen de informar a esta Alcaldía da xestión e disposicións que dicten, e con carácter previo en todo caso, das decisións de transcendencia nos términos previstos no artigo 115 do ROF.



EL NUMERADO
CORPORACIÓN
LOCAIS

Deixar constancia de posibilidade de avocación das compentencias delegadas nos termos que establece o artigo 14 da Lei 30/92 do 26 de novembro.

TERCEIRO.- Realizar a favor da seguinte Concelleira a Delegación especial seguinte:

- D^a. PURIFICACIÓN SERRANO CAVIEDES: Ensino e Política Lingüística.

Esta Delegación comprende a xestión dos servizos, baixo a coordinación e supervisión da delegación xenérica de educación.

Deixar constancia de posibilidade de avocación das compentencias delegadas nos termos que establece o artigo 14 da Lei 30/92 do 26 de novembro.

CUARTO.-As citadas Delegacións producirán efecto a partir do día seguinte ó desta data, deberán poñerse en coñecemento do Pleno na primeira sesión que celebre, e publicaranse no Boletín Oficial da Provincia según dispón o artigo 44 do Regulamento antes citado.

Do presente Decreto deberá darse traslado os Sres. Concelleiros nomeados e a tódolos departamentos deste Concello.-

RESOLUCIÓN DA ALCALDÍA DE DATA 23 DE XULLO DE 2003, SOBRE NOMEAMENTO DE CONCELLEIROS DELEGADOS

Polo presente, en uso das atribucións que me confiren os artigos 43 e 44 do Regulamento de Organización, Funcionamento e Réxime Xurídico das Entidades Locais, veño en dispoñer:

PRIMEIRO.- Nomear Concelleiro Delegado de Vías, Obras, Alumeado, Policía Local e Tráfico ó Concelleiro D. Manuel Iglesias Carrera, abarcando tanto a facultade de dirixi-los Servizos correspondentes como a xestión en xeral.

SEGUNDO.- Nomear Concelleira Delegada de Servizos Sociais e Muller á Concelleira D^a. Mónica Carreira Couñago, abarcando tanto a facultade de dirixir ós servizos correspondentes como a xestión en xeral.

TERCEIRO.- Nomear Concelleira Delegada de Xuventude á Concelleira D^a. Laura Lago Aller, abarcando tanto a facultade de dirixir ó servizo correspondente como a xestión en xeral.

CUARTO.- Nomear Concelleiro Delegado de Protección Civil ó Concelleiro D. Eduardo José Reguera Ocampo, abarcando tanto a facultade de dirixir ó servizo correspondente como a xestión en xeral, e delegarlle a Presidencia do Patronato do Conservatorio de Música.

Serie A N.º 1176714

QUINTO.- Nomear Concelleira Delegada da Escola Obradoiro, Drogodependencias, Novas Tecnoloxías e Oficina Municipal do Consumidor, a Dona. M^a del Carmen Rodríguez Cunha, abarcando tanto a facultade de dirixir ós servicios correspondentes como a xestión en xeral.

SEXTO.- Delegar a Presidencia do Centro Deportivo Municipal no Concelleiro D. Carlos González Fernández.

As citadas Delegacións producirán efecto dende a data de sinatura do presente Decreto, deberán poñerse en coñecemento do Pleno na primeira sesión que celebre, e publicaranse no Boletín Oficial da Provincia según dispón o artigo 44 do Regulamento antes citado.

Do presente Decreto deberá darse traslado os Sres. Concelleiros nomeados e a tódolos departamentos deste Concello.-

5.- DAR CONTA EXPEDIENTES ADMINISTRATIVOS DE MODIFICACIÓN DE CRÉDITO.

O Concello Pleno quedou enterado dos expedientes de modificación de crédito números 7/03, 8/03, 9/03, 10/03, 11/03, 12/03, 13/03, 14/03, 15/03 e 16/03.

6.- APROBACIÓN PROVISIONAL DE EXPEDIENTE DE MODIFICACIÓN DE CRÉDITO 17/03.

ANTECEDENTES

Dictame da Comisión informativa de Economía, Facenda e Patrimonio de data 28 de xullo de 2003, que transcrito dí:

"Vista a proposta da Alcaldía do día 23.07.03, páxinas 1 e 2 do expediente administrativo.

Vista a memoria da Alcaldía do día 23.07.03, páxina 3 do expediente administrativo.

Visto o informe do Sr. Interventor Xeral no Concello do día 23.07.03 referencia T 141/03, páxinas 6 á 14 do expediente administrativo.

Deliberación: (...)

Votación e dictame: A Comisión informativa de economía, facenda e patrimonio, co voto favorable dos/as Sres/as Concelleiros/as dos Grupos



DEL NUMERADO
CORPORACIÓN
LOCAIS

Municipais do PsdeG-PSOE (4) e do BNG (2), a abstención do Grupo Municipal do PP (3), e o voto en contra do Grupo Municipal de RA (1), dictaminou favorablemente a Proposta da Alcaldía antes citada, e na súa consecuencia estimou oportuno propoñer ao Concello Pleno , a adopción dos seguintes acordos:

Primeiro.- Resolve-los reparos formulados polo Sr. Interventor Xeral do Concello, no seu informe de data 23.07.03, referencia T 141/03.

Segundo.- Tramitar o expediente administrativo de modificación de crédito 17/03 no orzamento do Concello de Redondela para o ano 2003, mediante créditos extraordinarios por importe de 23.515,30 euros.

Terceiro.- Aprobar provisoriamente o expediente administrativo de modificación de crédito 17/03 no orzamento do Concello de Redondela para o ano 2003, mediante créditos extraordinarios por importe de 23.515,30 euros, para as seguintes partidas, destinos e contías:

Partida	Destino	Euros
034511B20300	Aluguer de maquinaria para a biblioteca municipal (17/03)..	260,00
034511B62300	Equipamento inventariabel para Biblioteca municipal(17/03)..	1.542,79
039111A76301	Mancomunidad: aportacións 2003 ao Proder-II (17/03)...	21.712,51

Total ... 23.515,30

Cuarto.- O expediente administrativo de modificación de crédito 17/03 financiarase integramente con parte do remanente líquido de tesourería destinado a gastos xerais, indicado na liquidación do orzamento do Concello de Redondela do ano 2002, aprobada por resolución desta Alcaldía do día 15.04.03.

Quinto.- Na tramitación do expediente administrativo de modificación de crédito 17/03 seguiranse as normas establecidas na base de execución 120 do orzamento xeral do Concello de Redondela para o ano 2003.

O expediente administrativo de modificación de crédito 17/03 entenderase aprobado definitivamente, sen necesidade de novo acordo plenario, se no período de exposición ao público de aquel non foran presentadas reclamacións.

Nembargantes, o Concello Pleno, resolverá.

Serie A N.º 1176715

INTERVENCIÓNS:

O voceiro de Redondeláns Adiante vota en contra do expediente por descoñecer o motivo polo que se tramita, e por considera-lo esaxerado e deshorbitado.

O voceiro do BNG manifestar non ter captado os argumentos polos que se opón o concelleiro Bastos. Se non sabe para que se tramita a modificación é polo súa incompetencia pois no expediente explícase. O seu grupo apoia a modificación e non pode argumentar nada en contra.

A voceira do PP amósase a favor da modificación xa que os gastos son precisos, nembargantes debería existir un control do gasto.

O voceiro do PSOE procede a detallar o contido das partidas que se modifican: aluguer de maquinaria para a biblioteca municipal 260,00, equipamento inventariabel para a biblioteca municipal e aportacións 2003 ao Proder-II por importe de 21.712,51 euros.

Dº Alejandro Bastos contéstalle ó BNG e ó PSOE que sabe ben de que vai o tema porque leu o expediente, que está a favor do Proder pero sobre iso fan prevalecer o soldo dos Concelleiros.

VOTACIÓN E ACORDO: O Concello Pleno, por maioría absoluta do número legal dos seus membros sendo dezasete votos a favor (8 PSdeG-PSOE, 6 Partido Popular, e 3 BNG) e un voto en contra (1 Redondeláns Adiante), acorda aprobar o dictame antes transcrito.

7.-APROBACIÓN PROVISIONAL DE EXPEDIENTE DE MODIFICACIÓN DE CRÉDITO 18/03.**ANTECEDENTES**

Dictame da Comisión informativa de Economía, Facenda e Patrimonio de data 28 de xullo de 2003, que transcrito dí:

“Vista a proposta da Alcaldía do día 24.07.03, páxinas 1 á 3 do expediente administrativo.

Vista a memoria da Alcaldía do día 24.07.03, páxinas 4 e 5 do expediente administrativo.

Visto o informe do Sr. Interventor Xeral no Concello do día 24.07.03 referencia T 142/03, páxinas 13 á 31 do expediente administrativo.



DEL NUMERADO
CORPORACIÓN
LOCAIS

Votación e dictame:A Comisión informativa de economía, facenda e patrimonio, co voto favorable dos/as Sres/as Concelleiros/as dos Grupos Municipais do PsdeG-PSOE (4) e do BNG (2), e os votos en contra do Grupos Municipais do PP (3), e de RA (1), dictaminou favorablemente a Proposta da Alcaldía antes citada, e na súa consecuencia estimou oportuno propoñer ao Concello Pleno , a adopción dos seguintes acordos:

Primeiro.- Resolve-los reparos formulados polo Sr. Interventor Xeral do Concello, no seu informe de data 24.07.03, referencia T 142/03.

Segundo.-Tramitar o expediente administrativo de modificación de crédito 18/03, no orzamento do Concello de Redondela para o ano 2003, mediante suplementos de crédito por importe de 240.206,94 euros.

Terceiro.-Aprobar provisoriamente o expediente administrativo de modificación de crédito 18/03, no orzamento do Concello de Redondela para o ano 2003, mediante suplementos de crédito por importe de 240.206,94 euros nas seguintes partidas, destinos e contías.

Partida	Destino	Euros
031111A10003	Retribucións dos concelleiros con dedicación exclusiva ou parcial (i +16/03).....	33.046,78
031211A22709	Danos ocasionados a terceiros	6.000,00
03123RE22800	Recoñecemento extraxudicial de créditos,capítulo 2...	43.138,84
03123RE62700	Recoñecemento extraxudicial de créditos,capítulo 6..	14.494,58
03313RI62700	Prevención de riscos laborais (1/03 - 10/02 - 1/01)...	613,40
034222A22710	Traballos de limpeza edificios	7.204,80
034223A21200	Reparación edificios escolares municipais.....	21.000,00
034223A22001	Prensa, libros e outras publicacións- Ensino.....	12.000,00
034223A22608	Actividades comisión de ensino	2.000,00

Serie A N.º 1176716



034321A15000	Productividade fixa funcionarios urbanismo.....	8.812,02
03432RI62300	Maquinaria xardíns (1/03 - 10/02 1/01).....	3.000,00
034321C21000	Rep. mant. e conservación xardíns, rep. árbores e prantas.....	4.437,00
034321C22300	Gastos transporte.....	2.000,00
034511A22607	Actividades culturais e festivas organizadas polo Concello.....	6.000,00
034511B22000	Material de oficina non inventariabel-biblioteca	558,00
034511B22001	Prensa, revistas e o. publicacións biblioteca..	901,52
034521A22900	Limpeza de praias.....	6.000,00
034631A22608	Actividades da concellalía de participación cidadá.....	10.000,00
035111A22709	Limpeza de cunetas e viais.....	9.000,00
Total		240.206,94

Cuarto.-O expediente administrativo de modificación de crédito 18/03 financiarase integramente coa utilización de 131.569,87 euros do remanente de tesourería para gastos xerais indicado na liquidación do orzamento do Concello de Redondela do ano 2002, aprobada por resolución do Alcalde accidental o día 15.04.03, así como con 108.637,07 euros correspondentes aos maiores ingresos (non previstos inicialmente) do préstamo asinado coa caixa de anticipos de cooperación provincial o día 20.05.03.

Quinto.- Na tramitación do expediente administrativo de modificación de crédito 18/03 seguiranse as normas establecidas na Lei 39/1988 do 28 de decembro, reguladora das facendas locais, e na base de execución 120 do orzamento xeral do Concello de Redondela para o ano 2003.

O expediente administrativo de modificación de crédito 18/03 quedará aprobado definitivamente, sen necesidade de novo acordo plenario, se no período de exposición ao público de aquel non foran presentadas reclamacións.

INTERVENCIONES:

A voceira do PP anuncia o seu voto en contra por estar en contra das dedicacións exclusivas, que son esaxeradas, e soamente se xustifican no pacto económico de goberno; así mesmo fundaméntase no informe do interventor.

O voceiro do PSOE sorpréndese de que soamente se discutan o destino de 33.000 euros nun expediente por importe de 240.000, no que se inclúen entre outros o pagamento dos danos ocasionados a terceiros, a prevención dos riscos laborais, a reparación de colexios... Considera qque a voceira do PP non debe utilizar os informes técnicos para argumentos políticos, e de facelo debe empregar todo o contido dos informes.

O voceiro de Redondeláns Adiante está a favor da reparación dos colexios, pero ó estar incluído coas retribucións dos concelleiros está en contra do expediente.

O voceiro do BNG engade que no expediente inclúense tamén subvencións a libros de texto, a limpeza das praias, e recoñecemento extraxudiciais de créditos. Considera que os partidos da oposición non entran a fondo no asunto. As modificacións orzamentarias son precisas, están previstas na Lei, e tódalas Administracións realízanas, o contrario supón unha penuria.

D^a Francisca Canal responde que nunca estará en contra de modificacións orzamentarias que sexan positivas, como as que se teñen feito cando ela era concelleira, pero execédense no capítulo 2, e os concelleiros deben saber xestionar e senón buscar recursos, débese facer un plan de saneamento.

D^o Emilio González Iglesias considera que a voceira do PP faría mellor non referíndose a certas cousas, pois cando ela foi concelleira non se facían modificacións orzamentarias porque en tres anos fixeron soamente un orzamento, e o seguinte non o fixeron pois a liquidación saíu en negativo. Procede de seguido a detallar as partidas a modificar e o seu destino.

VOTACIÓN E ACORDO: O Concello Pleno, por maioría absoluta do número legal dos seus membros sendo once votos a favor (8 PSdeG-PSOE, e 3 BNG) e sete votos en contra (6 Partido Popular e 1 Redondeláns Adiante), acorda aprobar o dictame antes transcrito.

Serie A N.º 1176717

**8.- APROBACIÓN INICIAL DE MODIFICACIÓN PUNTUAL DAS
NORMAS SUBSIDIARIAS PARA CREACIÓN DUNHA ÁREA
RECREATIVA EN CEDEIRA.**

ANTECEDENTES

Dictame da Comisión Informativa de Urbanismo, de data 28 de xullo de 2003, que transcrito dí:

"Dada conta pola Presidencia do Proxecto Urbanístico referente á Modificación Puntual das NN.SS. Municipais para a creación dunha area recreativa en Cedeira, que ten por obxecto cualificar como equipamento dotacional público, unha zona para creación dunha área recreativa de espacemento.

Visto o informe favorable da Consellería de Cultura, emitido en razón das suas competencias.

Visto o informe emitido pola Consellería de Política Territorial, Obras Públicas e Vivenda, con data 13.05.03, formulando diversas observacións, que foron recollidas en novo documento refundido elaborado polos Servicios Técnicos Municipais con data 11.05.03.

Vistos os informes favorables emitidos polo Arquitecto municipal con datas 13.06.03 e a Secretaria Xeral do Concello de data 01.07.03

Vistos os artigos 85 da Lei 9/2002, do 30 de decembro, de ordenación urbanística e protección do medio rural de Galicia, 22.2.c., da lei 7/85, do 2 de abril, reguladora das Bases do Réxime Local, modificada pola Lei 11/99, do 21 de abril.

A Comisión Informativa de Urbanismo en votación ordinaria e por maioría absoluta do seus membros presentes, sete votos a favor (4 PS de G PSOE, 2 BNG e 1 RA) e tres abstencións (3 PP) estimou oportuno dictaminar favorablemente o expediente e na súa virtude propoñer ó Pleno a adopción dos seguintes acordos:

Primeiro.- Aprobar inicialmente a Modificación Puntual das NN.SS. Municipais para a creación dunha area recreativa en Cedeira

Segundo.- Somete-lo ó trámite de información pública por prazo mínimo de 1 mes e máximo de dous mediante anuncio que deberá publicarse no Diario Oficial de Galicia e en dous dos xornais de maior circulación na Provincia, durante dous días consecutivos.



PEL NUMERADO
CORPORACIÓN
LOCAIS

Simultaneamente solicitaranse das Administración Públicas competentes os informes sectoriais necesarios que se emitiran no prazo sinalado no art. 85.3 da LOUGA."

INTERVENCIONS:

O voceiro de Redondeláns Adiante amósase a favor pois Cedeira necesita unha área recreativa.

A voceira do PP tamén apoia a modificación, pero considera necesario que se proceda a aprobación do plan xeral, que se bote a andar pois está nun caixón.

O voceiro do PSOE contéstalle ó PP que se non hai plan xeral débese a que o PP perdeu as alegacións, e coñece as razóns que motivan a súa demora: a tardanza da Xunta na aprobación da lei de ordenación urbanística, e a redacción dunha lei tan desgraciada. Cando aproben o decreto de desenvolvemento da Lei aprobarase o plan xeral.

O voceiro do BNG considera preciso aprobar esta modificación pois se se deixa para o plan o expediente demorarase dous anos. O PP di que é preciso que o plan se bote a andar pois está nun caixón, lémbrale que na única reunión que houbo, na que a voceira estivo presente, o director do equipo redactor expuso os problemas existentes. Por isto se agora di que o plan está nun caixón, está enganando á cidadanía, pois se o plan xeral está parado é por culpa da Xunta.

D^a Francisca Canal contéstalle ó BNG que non manipule as súas verbas, pois xa afirmou que votará a favor da modificación. De seguido respóndelle ó PSOE que o PP gobernou tres anos en Redondela, mentras que o seu partido leva moitos no goberno. O PP non é o culpable do parón que está a sufrir o Concello. Hai que ter vontade de evolucionar. É certo que houbo unha reunión sobre o plan, pero si está no caixón porque os cidadáns no coñecen.

D^o Emilio González Iglesias di que a maioría do plan xeral o paga a Xunta, polo que supón que non deixarán que o Concello despilfarre os cartos. En xuño do pasado ano a dirección xeral de Urbanismo comunicou ó Concello que ralentizara a tramitación do plan porque ía a saír nova lei, que non se publicou ata decembro, e agora precisa dun decreto de desenvolvemento. Finaliza sinalando que se o PP soamente gobernou tres anos débese a que a cidadanía non é tonta.

VOTACIÓN E ACORDO: O Concello Pleno, por unanimidade de tódolos seus membros presentes sendo dezaioito votos a favor (8 PSdeG-PSOE, 3 BNG, 6 Partido Popular e 1 Redondeláns Adiante), acorda aprobar o dictame antes transcrito.

Serie A N.º 1176718

9.- APROBACIÓN DE EXPEDIENTES DE CORRECCIÓN DE ERROS DAS NORMAS SUBSIDIARIAS DE PLANEAMENTO.

ANTECEDENTES

Dictame da Comisión Informativa de Urbanismo, de data 28 de xullo de 2003, que transcrito dí:

"ANTECEDENTES

Con data 6 de novembro de 1987 aprobáronse definitivamente, por acordo da Comisión Provincial de Urbanismo, as Normas Subsidiarias de Planeamento de Ámbito Municipal de Redondela, téndose publicado no Boletín Oficial da Provincia nº 85 de 14 de abril de 1988.

A documentación grafiada realizouse sobre cartografía a esc 1:5000, e para os planos de detalle, a esc. 1:2000, sobre plano parcelario do Instituto Xeográfico e Catastral.

No transcurso da vixencia das devanditas Normas teñense observado reiterados erros nas parcelas grafiadas, contradicións entre os planos a escala 1:5000 e 1:2000, erros de calificación por mal grafiado das bases, ou ben contradicións entre a realidade e a documentación das normas.

Na súa virtude, e a vista dos expedientes promovidos polos particulares que logo se citan e dos informes técnicos e xurídicos, favorables, obrantes nos respectivos expedientes, a comisión informativa de urbanismo, en votación ordinaria e por unanimidade dos membros presentes, estimou oportuno propoñer ó Concello Pleno a corrección dos seguintes erros no documento das Normas Subsidiarias de Planeamento de Ámbito Municipal de Redondela.

1) MODIFICACIÓN DO PARCELARIO

1.1).- PROPOSTA

Proponse a corrección dos erros detectados no grafiado dos planos a escala 1:2000 sinalados e xustificados polos propietarios afectados.

1.2).- XUSTIFICACIÓN DA PROPOSTA

O artigo 105.2) da Lei 30/1992, de 26 de novembro, modificada pola Lei 4/1999, di AAs administracións públicas poderán, así mesmo, rectificar en calquera moemento, de oficio ou a instacia dos interesados, os erros materiais, de



EL NUMERADO
CORPORACIÓN
LOCAIS

feito ou aritméticos existentes nos seus actos@, e por outra banda na Normativa e Ordenanzas das Normas Subsidiarias de Planeamento de Ambito Municipal, no seu artigo 11.3 establece: si se deran contradicci3ns entre o plano e a realidade prevalecerá esta última. Polo tanto procede a modificaci3n do plano parcelario recollendo a realidade existente.

1.3).- CONXUNTO DE PARCELAS QUE SE PROPÓN MODIFICAR

- D. Nuria Cabaleiro Couñago , parcela sita en Cidadelle, Picoto, Chapela, Redondela, por contradicci3n entre o grafiado no plano P-2 a escala 1:2000 e a realidade, de acordo coa documentaci3n adxunta.

- D. Cecilia Rodriguez Alonso, Parcela sita en Asnelle de Abaixo, Reboreda, Redondela, por contradicci3n entre o grafiado no plano P-23 e a realidade, de acordo coa documentaci3n adxunta

- D^a Olivia Rivas Fernández, Parcela sita en Rande, Cedeira, Redondela, por contradicci3n entre o grafiado no plano P-4 e a realidade, de acordo coa documentaci3n adxunta

- D. Alberto Casal Freaza, Parcela sita en Parada, Chapela, Redondela, por contradicci3n entre o grafiado no plano P-1 e a realidade, de acordo coa documentaci3n adxunta”.

VOTACI3N E ACORDO: O Concello Pleno, por unanimidade de tódolos seus membros presentes sendo dezaioito votos a favor (8 PSdeG-PSOE, 3 BNG, 6 Partido Popular e 1 Redondeláns Adiante), acorda aprobar o dictame antes transcrito.

10.- PROPOSTA EN RELACI3N Á LISTA DE ESPERA DA GARDERIA “A MARISMA”

Por parte dun representante da Asociaci3n de nais e pais de nenos/as en lista de espera da gardería de A Marisma, dase lectura o seguinte escrito:

“Como todos os e as integrantes deste Pleno saberán, vén de rematar o proceso de admisi3n na Gardería de A Marisma, dependente da Consellería de Familia, Xuventude e Voluntariado. A Lista de Espera alcanza o número de 45 (29 de 1-2 anos, e 16 de 2-3), o que afecta non só ás familias directamente implicadas sen3n que priva a estos cativos/as de iniciar a súa escolarizaci3n nas mellores condici3ns posíbeis.

Consideramos que é obriga das diferentes administraci3ns, neste caso da Xunta de Galiza, planificar unha oferta pública de servizos educativos e de apoio ás familias, acorde coas necesidades que a sociedade demanda. Neste caso concreto, en que as solicitudes de admisi3n “teñen desbordado as previsi3ns da

Serie A N.º 1176719

propia Consellería", como distintos responsábeis da mesma manifestaron, cómpre que a a partir de xa se artellen os mecanismos axeitados para dar resposta ás demandas das familias afectadas.

Non podemos admitir baixo ningún concepto as xustificacións do delegado provincial desta Consellería, referíndose a défices orzamentarios ou a emplazarnos a esperar outro ano, para comprobar se esta demanda se vai manter. Estas afirmacións teñen menor sentido en tanto que esta Gardería está sendo infrautilizada, e existen dúas aulas que poderían ser habilitadas inmediatamente.

A alternativa que nos queda a moitos pais e nais, ao non ser admitidos os nosos fillos e fillas nesta Gardería, supón ter que implicar a outros membros das nosas familias na atención destes cativos, ou abandonar os nosos postos de traballo.

Por todo isto SOLICITAMOS:

1.- Que os distintos grupos políticos con representación nesta corporación, se manifesten e respalden as nosas xustas reivindicacións.

2.- Que de xeito inmediato, o Concello de Redondela, inicie os contactos pertinentes cos responsábeis da Consellería de Familia, Xuventude e Voluntariado para dotación a partires do mes de setembro de dúas novas unidades na Gardería da A Marisma."

Por unanimidade dos presentes acórdase ratificar a inclusión do presente asunto na Orde do día.

INTERVENCIÓNS:

O voceiro de Redondeláns Adiante solicita que o Alcalde faga as xestións para que Redondela e Chapela teñan gardería, co seu debido funcionamento.

O voceiro do BNG dá o seu apoio unánime á petición da asociación. A consellería non pode argüir problemas económicos cando estamos ante un problema endémico. Sinala que está en contra dos criterios de selección.

A voceira do PP apoia a proposta e fixo xestións na Delegación para que se incrementen o número de prazas. Trátase dun problema puntual xerado polo incremento da natalidade. Non hai aulas infrautilizadas, senón dedicadas a outras actividades como psicomotricidade. Sorpréndese que algúns representantes municipais critiquen os criterios de selección. As garderías son competencia municipal por ser centros de atención primaria e así o di a lei de servizos sociais, e debe ser o Concello o que se preocupe por saber cales son as súas necesidades.



EL NUMERADO
CORPORACIÓN
LOCAIS

O voceiro do PSOE contesta que o Concello non ten ningunha competencia neste tema, e tampouco é certo que sexa o índice de natalidade a orixe do problema, á vista dos datos estatísticos. Trátase dun problema de hai anos e a Consellería sábeo, polo tanto pídelles ó PP que non faga demagogia. Finaliza sinalando que o seu grupo vai a respaldar a petición dos pais.

O voceiro do BNG manifesta que non pretendía entrar no tema pero por alusións e pola pouca prudencia do PP faino; o certo é que na gardería do PP entran os fillos dos militantes do PP, e os demais nenos van á lista de espera. O proceso de selección sempre foi obscuro, e os criterios de selección inadmisibles e subxectivos.

En canto ó delegado da Consellería, que primeiro dixo que non, confunde o seu posto de traballo coa militancia no PP. E a representante municipal dese partido non pode aludir os seus trapicheos na Delegación, pois faino sen ter ningunha autoridade, e o sr. Delegado pola súa banda prevarica.

D^a Francisca Canal contesta que non ten feito ningunha xestión que previamente tivera que facer o Alcalde, traballa polos asuntos do Concello e vaino seguir facendo. Sendo directora da gardería tivo a dignidade de levar ós seus fillos a outras garderías. Considera que os militantes do PP tamén teñen dereito a utilizar os servizos públicos.

A Xunta é consciente do problema e adopta diversas medidas como o cheque infantil.

Pide que non a manden calar e que non a manipulen.

D^o Emilio González Iglesias contesta que o PP aposta polo cheque infantil, e así provoca situacións como esta.

VOTACIÓN E ACORDO: O Concello Pleno, por unanimidade de tódolos seus membros presentes sendo dezaioito votos a favor (8 PSdeG-PSOE, 3 BNG, 6 Partido Popular e 1 Redondeláns Adiante), acorda aprobar a proposta antes formulada.

ASUNTOS FORA DA ORDE DO DÍA

SOLICITUDE DA PLATAFORMA NUNCA MAIS DE REDONDELA.

Por parte dun representante da plataforma "NUNCA MAIS" de Redondela, dase lectura o seguinte escrito:

"A Plataforma Nunca Máis de Redondela, ante o Concello Pleno e a opinión pública en xeral, quere denunciar:

Serie A N.º 1176720

A burda instrumentación por parte do Goberno da Xunta do acto de entrega das medallas de Galicia a personases da catadura de Álvarez Cascos que se teñen distinguido precisamente pola súa prepotencia e enganos durante toda a crise do "Prestige".

Asimesmo, expresar o noso apoio as/os xoves e estudantes de Redondela que foron denunciados e multados por "presuntos delitos de desorde pública", cando a visita do presidente da Xunta o 28-03-03, cun despliegue policial a todas luces desproporcionado, intimidatorio e provocador.

As referencias que se fixeron á "interrupción do tráfico" durante a marcha desde o scalextric ata o Concello, da idea da "gravísima falta" cometida polos manifestantes, sobre todo si se compara coas posturas e manifestacións dos señores do goberno na citada crise do Prestige, cos seus insultos, mentiras, enganos, etc, que porduran ata hoxe, e son fáciles de comprobar consultando calquer hemeroteca.

Sinalar ademais as arbitrariedades da Policía o "identificar" na rúa induscriminadamente e moito despois da manifestación a xoves que nin tomaron parte nela, e hoxe están denunciados, nunha clara e típica manobra de represión para acalar o descontento e segurir desviando a atención das responsabilidades políticas dos gobernantes na referida crise.

Por todo elo:

Solicitamos do Pleno da Corporación a adopción dos seguintes acordos:

- Apoiar ás/ós mozas/os denunciados
- Esixir da Sudelegación do Goberno a anulación inmediata das multas.

Por unanimidade dos presentes acórdase aprobar a urxencia do asunto a tratar.

INTERVENCIÓNS:

O voceiro de Redondeláns Adiante di que coñece a postura da plataforma pero non a do subdelegado e por iso vaise abster.

O voceiro do BNG di que ante a provocación foi lóxica a reacción cidadá. Non comparte a imposición destas sancións económicas, cando os responsables de ter causado unha ruina económica andan tan campantes. Parece que non vivimos nunha sociedade de dereito pois os expedientes lévanse adiante con fins políticos, e considera ofensivo que o concelleiro Bastos pida o informe do subdelegado do goberno.



EL NUMERADO
CORPORACIÓN
LOCAIS

A voceira do PP opina que onde empeza a liberdade dun, remata a doutro. Non está a favor, como tampouco está a favor da manipulación, e senon fose pola policía podería ter pasado algo peor ante os comportamentos incívicos producidos.

O voceiro do PSOE sinala que a obra que se inaugurou levaba ano e medio funcionando, iso é provocar, e o subdelegado continúa cos expedientes sancionadores adiante para seguir provocando. Resulta penosa a actitude do PP tratando de manipular a opinión pública con estas cuestións.

D^e Alejandro Bastos Fernández di que se os expedientes estiveran rematados apoiaría ós acusados.

D^e Carlos Pazos Docampo considera que foi a policía que acompañaba ó Presidente da Xunta a que xerou a provocación na inauguración do vertedoiro, e para isto pecharon o acceso ó centro de saúde e os escolares, o que supón cometer un acto incívico para realizar un acto político. Neste tema non son posibles as posturas intermedias, ou se está a favor ou en contra.

D^a Francisca Canal opina que se o BNG estivera tan preocupado debería ter falado co subdelegado e deixarse de demagogias. E o seu voceiro era o responsable de tráfico, así que saberá de sancionar. Sinala que a protección foi precisa porque se acababa de reventar unha sede do PP.

O voceiro do BNG contesta por alusións que nunca ten perseguido a ninguén, e nunca impuso sancións porque non era a súa competencia. Prégalle á voceira do PP que non desvíe o tema.

O voceiro do PSOE pregunta a razón de que o PP non se preocupe por este asunto. Aquí o único que pretende manipular é o PP, e tódolos días. Tamén pregúntalle ó concelleiro Bastos que é o que lle debe ó PP para que o defenda tanto.

O voceiro de Redondeláns Adiante constesta por alusións que non lle debe nada ó PP.

VOTACIÓN E ACORDO: O Concello Pleno, por maioría absoluta dos seus membros sendo once votos a favor (8 PSdeG-PSOE, e 3 BNG) unha abstención (1 Redondeláns Adiante) e seis votos en contra (6 Partido Popular), acorda aprobar a solicitude antes transcrita.

ROGOS E PREGUNTAS

Formúlanse as seguintes preguntas polo voceiro de Redondeláns Adiante:

-Razón da existencia de vertidos incontrolados e causa dos mesmos.

Serie A N.º 1176721

-Medidas a adoptar polo Concello para subsanar as deficiencias existentes na depuradora e para evitar os vertidos.

- Estudios realizados na depuradora dende a súa posta en funcionamento.

- Inversións realizadas na depuradora, especialmente aquelas realizadas por Seragua, informando sobre o importe das mesmas e o seu destino.

-Se nos informe sobre a existencia de denuncias de particulares ou asociacións e a tramitación que efectuou das mesmas o Concello e se existe ou existiu algún expediente aperturado polo SEPRONA facilitando copia dos/s mesmo/s.

O concelleiro delegado de Medio Ambiente contesta que a empresa concesionaria redactou un informe técnico da saída da auga, e agora estase á espera do informe do SEPRONA.

Respecto ás outras cuestións formuladas, existen informes técnicos realizados en datas nas que o concelleiro Bastos pertencía ó grupo de goberno, polo que estaba obrigado a coñecelos.

A voceira do PP pregunta polos vertidos no río Alvedosa.

O concelleiro delegado de Medio Ambiente responde que trátase en realidade do río Maceiras. Son vertidos dun depósito de fuel instalado na fábrica Regojo, que debe levar máis de vinte anos, e a empresa propietaria xa está facendo as xestións oportunas.

E, non habendo máis asuntos que tratar, pola Presidencia dase por rematada a presente sesión, sendo as vintedúas horas e sete minutos da data fixada no encabezamento en proba de todo o que, se estende a presente acta, que se inscribiu no Libro dende o folio cincuenta e nove do Papel Timbrado da Comunidade Autónoma de Galicia, Serie A nº 1176711 ata o folio sesenta e nove , Serie A nº 1176721 , de todo o que, como Secretaria, DOU FE.-

O Alcalde

A Secretaria

Asdo: Xaime Rei Barreiro

Asdo: Ana Isabel del Cerro del Río